



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

3. Dies Januarii. Principium quantitate est minimum, potestate maximum.

urn:nbn:de:hbz:466:1-45477

3. DIES JANUARI.

Principium quantitate est minimum, potestate maximum. *Arist. Elench. 2.*

Ut nova facias, multum dependet à principio.

I. **A**nni vix nati adhuc sunt incunabula, lucescentis tantum est crepusculum, orientis principium. Hic igitur statim in anni exordio, si quid habes ingenii, si quid industriæ, id totum impende, & expende, ne patiaris irreparabile dispendium, si negligas anni principium. Hujus te moneat, & ad cautelam moveat illa hujus diei Tessera, ex lyceo deprompta: *Principium quantitate est minimum: potestate maximum.* Hic tibi propone duo sibi opposita. Minimum, maximum. Cave minimi facias principium, quia minimum: Quid enim inde sequitur, seu damnum, seu lucrum, est maximum. Bonum enim cujuslibet rei principium, optimi finis est augurium. Qui porro male incipit, pessimè desinet. In anni exordio, temporis feræ, sunt secuturi per annum temporis, velut exequiæ. Perdes cuncta; si sis cunctator.

II. Error in principio parvus, progressu fit magnus, in fine maximus. Primum duarum viarum divortium, spacio licet est minimum; vix enim uno distant gradu: ad sensim protractum, desinet in maximum intervallum. Hæ enim geminæ viæ, quæ vix binis distabant palmis, jam distant plus quam sexcentis

Januar. Tesser. 7
tis leucis. Quantus error, ex quintillâ origine! at-
tende. Nullum est momentum temporis, cuius
præitium non sit infiniti ponderis, & negliges hujus
temporis principium; ab hujus anni exordio, velut
à puncto linea, sequitur (a) *Series longissima rerum*,
ac temporum: videlicet 12. menses, 52. hebdoma-
das, 365. dies, 8. millia horarum & 760. tanti tem-
poris successus, dependet à temporis principio. Et
quia hic annus fors tibi erit postremus, ab ejus prin-
cipio fors pendet tua salus. Quamobrem si sapias, imò
ut sapias audi monitum, & sequere consilium. (b)
*Quodcumque facere potest manus tua, instanter ope-
rare.* Imò quidquid potes, facere reminiscendo me-
moriam, cogitando intellectus, cupiendo voluntas,
quidquid possunt facere. Quinque in corpore sen-
sus, & singula corporis membra, hoc totum, totis,
& corporis, & animi facultatibus, omnibus, & na-
turæ & gratiæ viribus aggredere, & non oscitanter,
sed instanter operare in hujus anni principio. Quia
quod seris ineunte Januario, metes exeunte De-
cembri.

III. Ut porro quod oportet facere, citò facias:
præibit Pastor prius ovium, Rector dein hominum,
David. Is cum audiret velut ex alto resonare Dei
classicum ad castra sua evocantis: cum sentiret se to-
tum Divino repleti afflatu, à cælesti instinctu ad
novum, atque excelsius vitæ genus cieri: statuit
mox aliam ordiri vitæ telam. Sed quando? an post
annum? hoc nimis erat serum? post mensem?
adhuc citius; post diem? & illud videbatur

A 4

len-

(a) *Virg. 1. Æneid.* (b) *Eccl. 9. 10.*

lentum; post horam igitur? vel hora nimis erit longa mora. Quando ergo? Audi loquentem, sequere præeuntem (a) *Dixi: nunc capi.* Non differam in crastinum, non in sequentem Horam, non ad momentum temporis; sed hoc loco, hoc momento, nullâ interpositâ temporis mora; denique non paulò post, incipiam, sed *nunc capi.* Tale sit & tuum decretum. Nunc cum est dies salutis, nunc cum favet tempus, quod est acceptabile, ætas quæ floret, valetudo quæ est integra, dum Cælum promissum mihi in præmium: Hodie non incipiam, nec cras, sed jam *nunc capi.*

Per multum cras, cras, tandem dilabitur ætas.

4. DIES JANUARI.

Ordo est, Quem si tenuerimus in vitâ, perducet ad Deum, quem nisi tenuerimus in vita, non pervenimus ad Deum. *Aug. l. 1. de ord. c. 9.*

In omnibus
servandus
Ordo.

I. **R**erum principium tenere in rerum successibus principatum, fuit hesternæ Telsæ argumentum. Sed ne in principio devies ab eo qui est principium, sit tibi princeps labor servare ordinem. Nee enim qui venisti à Deo, pervenies ad Deum, nisi beneficio ordinis. Ut hunc serves, quid sit ordo observes. (b) *Ordo est dispositio plurium tribuens unicuique quod suum est.* Graviter necesse est tibi

(a) *Psal. 76. 11.* (b) *Gerson T. 4. de fine terminor.*